

## **Leev Tante Finchen.**

Seksig Johr sind et her, dat de Schütze sich beim Rottmanns Hubbet im Vereinshus jetroffe un de Vereen jejründet hand. Isch kann misch noch dran erinnere als wenn et jestern jewesen wär. Mit drei Jrosche, verdammt vill Jeld wor dat damals, im Monat konnste in dem Hofe Mitjlied wede. Een Johr später muß'te beräts fünf Jrosche zahle, aver dat muß'te verstonn, dafür hand se en Fahn anjeschafft.

Et jow in de janze Johre schöne aber och ernste Ziete. Wenn de bedenkst, dat in de Naziziet de Schütze et dem Kohmann's Karl zu verdanken hand, dat et Königssilber och hütt noch vollständig zu bewundere is. Bloß ens verstonn isch nit, wie mach de nur de Wohnung jeheizt han, wo doch dat Silber im Kamin verstoppt wor.

Isch weeiß och noch als isch in de fuffziger Johre dat Kassenbuch mol prüfe mußte, dat de Kassierer noch 10% von de Mitjliedsbeitrag für sin Loferei krieschte un de Kass in en eenfach Schullheft jeführt wood. Wenn isch sinn wat hütt de Amtsschimmel mit sinn Stüerjesetze de Schütze vor Probleme stellt, da muß de Kassierer ne halve Doktor sinn um dat alles begriefe zu künne.

Un wat wor dat fiere doch fröher eenfach. Damit et jemötlich bliev, hätt jeder von de Schütze ne Brikett zum Stocche mitjebrot. Im janze Saal stonden die schwere Kanonenöfen herüm un keener hätt mi op de Wecker gekickt. Schluß wor meistens ähsch wenn de Hahn op demm Misthofe krähte. Un wat is hütt? Da künne de Schütze froh sinn, wenn de verlängerte Arm vom Vadder Staat, de Dorfsheriff, dat Zelt nit wie woangers, wejen zuvill Krach, schon um zehn Uhr schlüßt. Wo simmer bloß hinjekumme.

Aver of de angere Sick, hanse et jeschafft, dat nach fast drissig Johr de König widder im Dörp usjeschosse weed. Na isch bin ens jespant ob dat diesmol ohne dat üblische Theater vorm Scheeße avjeht. Un stell Disch führ, sojar ne Bürjerkönig wollense han. Da kannst Du Disch uf Ding Hänschen verlasse, dat weed isch janz alleen.

Leev Tante Finchen, wenn isch saje, de Schützevereen hätt früher Probleme jehatt und hätt och hütt Probleme nur die sind janz anders. Aver eenst is jeblieve, wenn de Oberst mit sinnem Schleppsäbel dem Hofe sinn Befehle zuschreit dann is de Welt widder in Ordnung und alle lofen hinger dem Oberst ind zelt. Da jonn isch jetzt och hin un bis zum nächste Johr größt Disch Ding

**Hänschen**